

Texti: Sigurður Tómas Þórisson



Múlafjall

Leiðarvísir um ísklifursvæðið Múlafjall í Hvalfirði

Almennt

Múlafjall er reisulegur múli í botni Hvalfjarðar sem skilur að Brynjúdal og Botnsdal. Í fjallinu eru brött hamra-þil bæði til suðurs og norðurs og bjóða þau upp á einar allra bestu aðstæður landsins til ísklifurs.

Sunnan megin (í Brynjúdal) eru margar glæsilegar leiðir, s.s. **Snati** (W15+/6), **Nálarangað** (W15), **Svartur á leik** (M10) og **Þyrnigerðið** (M8+). Raunar má þar finna mikinn fjölda leiða af öllum stærðum og gerðum. Verða þeim gerð betri skil í leiðarvísi fyrir Brynjúdal.

Norðan megin (Botnsdals megin) er hins vegar það svæði sem þekkt er í ísklifurbransanum undir nafninu „Múlafjall“ og er svæðið án nokkurs efa vinsælasta ísklifursvæði landsins. Fjölmargar kynslóðir ísklifrara hafa stigið þar sín fyrstu spor í sportinu en svæðið hefur upp á flóru leiða að bjóða bæði hvað erfiðleikastig og skemmtigildi varðar. Nokkrar þeirra mega teljast klassísk meistarastykki.

Toppurinn á Múlafjalli liggur í rúmlega 300m hæð yfir sjó - ísklifurklettarnir eru í 150-200m hæð og vísa í norður.

Aðkoma

Frá Reykjavík er um 50-60km akstur að Múlafjalli. Þjóðvegur 1 (Vesturlandsvegur) er ekinn í átt að Borgarnesi/Akur-eyri í átt að Hvalfjarðargöngum. Um 500m áður en keyrt er niður í göngin er beygt til hægri (austurs) eftir þjóð-vegi 47 (Hvalfjarðarvegi). Hvalfjarðarvegur er ekinn sem leið liggur gegnum Kjósina, fram hjá Reynivallahálsi og fram hjá Brynjúdal. Þegar komið er yfir lága múlann norðan Brynjúdals liggur vegurinn undir Múlafjalli og blasa ísklifurklettarnir við ofarlega í hliðinni. Ekið er nokkra kílómetra undir hliðinni og bílnum lagt á malar-plani niðri við flæðarmálið. Gangan frá bílastæðinu tekur 30-45 mín eftir því hvaða svæði er valið.

Um ísklifrið

Ekki er vitað með fullri vissu hvenær fyrst var klifrað í Múlafjalli. Elsta skráða

leiðin í norður-hömrum Múlafjalls er leiðin **Rísandi**, en hún var klifruð af þeim Snævarri Guðmundssyni og Jóni Geirssyni árið 1983. Þegar frumkvöðlar í ísklifri á níunda áratugnum fóru sínar fyrstu ferðir þangað voru menn ýmist svo vissir um að allt hefði verið klifrað áður að þeir spáðu lítið í skráningu leiða, gráðun og nafnagiftum eða að ekki þótti taka því að eltast við skráningu leiða í léttari kantinum. Kynslóðirnar á eftir komu því að kofunum hálfótum líkt og frumkvöðlarnir. Aldrei var víst hvort leið var farin eða ekki og sist vildu menn líklega eigna sér leiðir sem einhverjir höfðu farið fyrir löngu.

Leiðarvísir fyrir Hvalfjörð frá árinu 1986 telur einungis upp 8 leiðir á svæðinu. Í annálum ársrita Ísalp má þó finna nokkrar hetjudáðir sem komust á prent, t.d. **Earl Grey** (M7, leið C4), **Scottish Leader** (M7, leið B6) og **Hoka Hey** (M6, leið B21) en það er þó aðeins brot af þeim leiðum sem klifur-samfélagið frumför á þessum árum.

Svona liðu árin og aldrei var gerður skurkur í að skrá leiðirnar á svæðinu. Það var svo ekki fyrr en vorið 2017 að hóað var í opinn fund þar sem Ísölpurum var boðið að skoða ítarlegar myndir af svæðinu (tekna af Þorsteini Cameron) og merkja við leiðir sem menn könnuðust við og töldu sig jafnvel eiga frumferð upp. Afrakstur þeirrar vinnu er þessi leiðarvísir. Mjög líklega eru einhverjar leiðir rangnefndar og/eða „rang-feðraðar“ en það verður bara að hafa það. Hefur hugtakið „Múlafjallsfyrir-vari“ orðið þekkt í klifurheiminum á síðustu árum og er þar átt við að almennt um leiðaskráningu í Múlafjalli sé óvissa með frumferðir. Rétt er að ítreka að leiðarvísirinn er alls ekki tæmandi og heldur ekki endilega kórréttur en er þó okkar besta viðleitni til að skrásetja þessa vögu ísklifurs á Íslandi. Við vonum að Ísalp-arar kunni að meta þetta framtak á afmælisárinu og að vinsældir Múlafjalls aukist enn frekar með þessari útgáfu.

Á svæðinu eru nú 69 skráðar ísleiðir, þar af 12 boltaðar að hluta eða í heild, en enn eru líklega margar línur ófarnar af flestum erfiðleikastigum. Lengd leiða á svæðinu er frá 10-20m smáfossum allt upp í rúmlega 100m fjölspanna-leiðir og að sjálfsgöðu öll flóran þar á milli. Erfiðleikastig leiða er allt frá W12 upp í M7+.

Mælt er sérstaklega með **Testofunni** (svæði C) og fjölspannaleiðunum **Rísanda** og **Stiganda**. Annars hefur nokkrum klassískum leiðum víðs vegar um svæðið verið veitt stjörnuþjóf til málamynda.

Tímabil

Múlafjall er yfirleitt það svæði á SV-horninu sem klifrarar leita fyrst í þegar að kólna tekur á haustin. Vatn seytla niður klettana úr stórrí mýri ofan á fjallinu. Lágt hitastig í botni Hvalfjarðar, skuggi í norðurhljóðinni og lega klettanna í nokkurri hæð yfir sjó skapa kjöraðstæður fyrir ismyndun. Aðeins svæði sem liggja hærra yfir sjó, t.d. Eilífsdalur og Villingadalur, komast í aðstæður fyrr en Múlafjall og stundum hefur Múlafjall jafnvel vinninginn, lík-lega vegna hins stöðuga vatnsflaums.

Tvær sjálfvirkar veðurstöðvar eru staðsettar nálægt Múlafjalli og geta gefið góðar vísbendingar um hvernig aðstæður í fjallinu þróast hverju sinni. Það eru annars vegar veðurstöð við Þýril (53 m.y.s) og hins vegar veðurstöð á Botnsheiði (500 m.y.s). Hægt er að skoða mælingar frá þessum veður-stöðvum á vefnum www.vedur.is allt að viku aftur í tímann. Veðurstöðin á Botnsheiði getur einnig gefið góða mynd af aðstæðum í Villingadal.


Helstu gallar við Múlafjall eru: a) Í mikilli snjóþatið skefur ansi duglega undir klettana og fara leiðirnar stundum hálfpartinn á kaf. Hefur því svæðið einkum verið vinsælt í upphafi tímabils þegar snjólitið er. b) Ef alveg snjólaust er og kalt, þá kemur oft fyrir að mýrin ofan svæðisins botnfrys en þá þornar kletturinn alveg og ís hættir að byggjast upp. Kjöraðstæður í Múlafjalli eru því snjólitir (en þó ekki snjólausir) vetur með stöðugu frosti.

Með tilkomu boltunar mixklifurleiða í seinni tíð er hægt að klifra í Múlafjalli frá fyrstu frostum og fram á vor við tiltölulega öruggar aðstæður.

Rétt er að benda fólki á að **klifra helst ekki í Múlafjalli í frostleysi**, því að á svæðinu er allnokkuð um lausa steina og jafnvel stórar blokkir, sem eru sérlega varasamar í þíðu. A.m.k. eitt slys og annað nærslys má rekja til grjóthruns í þíðu veðri og því er ástæða til að áreitta þessi varnaðarorð hér í þessu riti. Auk þess mynda oft á tíðum mosi og drulla lykiltök í leiðum en í frostleysi rifna slíkar gersemar sorglega oft af.

Þakkið fyrir innlegg og upplýsingar: **Ágúst Þór Gunnlaugsson, Matteo Meucci, Róbert Halldórsson, Jónas G Sigurðsson, Þorsteinn Cameron, Páll Sveinsson** og fleiri.

A) Hlaðhamrar



Svæðið beint ofan við bílastæðið. Fjöldi ísleiða, einkum í léttari kantinum en lítið um skráðar leiðir.

A1) **Músarrindill** WI4, 30M
11/17: Matteo Meucci, Bjartur Týr, Jón Gauti Jónsson
Auðveldur rampur í byrjun leiðar liggur upp að stuttu en bröttu lokakerti.

A2) **I Love Backup** WI3, 30M
11/16: Matteo Meucci, Kári Brynjarss., Jónas G. S.
Byrjar á að fara upp í þrönga kverk, hægra megin við stóra blokk sem yfirleitt skagar vel út úr snum. Þaðan er haldið beint upp í gegnum regnhlífafrumskóg.

A3) **WW3** WI3
11/16: Jónas G. S., Kári Brynjarss., Matteo Meucci
Byrjar á því að þræða léttustu leið upp í miðjan vegg. Þaðan er stefnan tekin til hægri og inn í kverk, með áberandi klettavegg á hægri hönd. Leiðin var farin stuttu eftir forsetakosningar í Bandaríkjunum og er nafn hennar ákveðin spá um komandi tíma.

A4) **Þriðjudagstilboð** WI3+, 35M
11/17: Jónas G. S., Bjartur Týr, Michael Reid
Stutt og góð leið. Þetta svæði er oft mjög „regnhlífað“ og þræðir þessi lína á milli þeirra. Getur sennilega verið WI3 ef regnhlífarnar myndast á hentugri máta.

A5) **Í kjólinn fyrir jólin** WI3, 35M
11/17: Michael Reid, Bjartur Týr, Jónas G. S.
Leiðin upp mitt íspilið, sem veitir minnsta mótstöðu. Skemmtilegar blokkir í byrjun sem bjóða upp á dhugaverðar hreyfingar.

A6) **Veðmálið** WI3, 30M
11/16: Matteo Meucci, Kári Brynjarss., Jónas G. S.
Þægileg leið en með nokkuð minna af regnhlífum en leiðirnar á vinstri hönd. Veggurinn snýr aðeins öðruvísi þarna og virðist ekki laða regnhlífar eins mikið að sér.

A7) **Hvítir hrafnar*** WI4, 40M
11/17: Bjartur Týr, Jónas G. S., Michael Reid
Flott lína í flottu umhverfi. Byður upp á erfiðara afbrigði upp sílu hægra megin eða léttu mix byrjun yfir í skammtilegt ísklifur. Daginn sem leiðin var farin sást til tveggja sjaldséðra ísklifrara á bílastæðinu.

A8) **Fálki** WI3, 30M
11/17: Jón Gauti Jónsson, Matteo Meucci, Bjartur Týr
Mjó lína í litlu gili.


A9) **Lundi*** WI4+, 35M
11/17: Bjartur Týr, Jón Gauti Jónsson Matteo Meucci
Flott lína í yfirhangandi horni. Stíf byrjun leiðir upp í þægilegan millikafta fyrir brattan lokakafta.

A10) **Hidden Corner** WI3, 30M
02/17: Matteo Meucci, Kristinn Sigurjónsson
Flott horn með mixklifri í lokin.

A11) **Hollow Wall** WI4, 30M
02/16: Matteo Meucci, Kristinn Sigurjónsson
Stuttur lóðréttur veggur í byrjun en léttist þegar ofar dregur.

A12) **Hlaðhamrar Gully** WI3+, 30M
02/16: Matteo Meucci, Kristinn Sigurjónsson
Þröngt gil með nokkrum mixhreyfingum.

B) Kötlugróf



Svæðið austan við Testofuna. Hér er fjöldi góðra ísklifurleiða af öllum erfiðleikagráðum og einnig nokkrar mixklifurleiðir. Stóra gilið austan við Kötlugróf hentar vel til niðurgöngu

(vinstra megin við leið B1) en einnig er hægt að fara til vesturs niður stóra gilið hjá Testofunni. Leiðir sem mælt er með eru: *Rjúkandi, Fjúkandi, Járntjaldið, Fimm í fötu og Þrenningin*.

B1) **Dúna amma** WI3, 45M

01/16: Arnar Halldórssyni, Magnús Blöndal
Austast í Kötlugrófliggur mjög fin ísleið með þægilegri aðkomu miðað við Múlafjall. Einfaldast er að stefna upp í stóra gilið sem skilur að Kötlugróf og Hladhamra. Leiðin er erfiðust fyrstu 20m og þar eftir er nokkuð einfalt að skrölta upp á brún. Lítið er af tryggingum uppi á brún og því má búast við að tryggja þurfi í sæti.

B2) **Ýlir**** WI4+, 30M

Vinstri leiðin í "Þrenningunni" austast í Kötlugróf. Sívinsælar og förmfagrar leiðir.

B3) **Stöng**** WI4+, 30M

Miðjuleiðin í "Þrenningunni".

B4) **Skófla**** WI4+, 30M

Hægri leiðin í "Þrenningunni".

B5) **Tóti afi** WI3, 40M

01/16: Arnar Halldórsson, Magnús Blöndal
Austarlega í Kötlugrófliggur lítið þröngt gil með skemmtilegri ísleið. Leiðin er afar breytileg eftir því hve mikill ís er í henni og getur efri hluti hennar orðið mjög krefjandi. Í efri hluta hennar getur myndast myndarleg regnhlíf sem getur verið erfið viður- eignar þar sem hún skordast afklettunum sem veita nær engar fótfestur. Það getur því þurft að hífa sig upp á öxunum einum á þessum kafla og þá hækkar gráða leidarinnar. Ofan leidarinnar er steinn sem má nýta sem tryggingu en þó er eftir vill öruggara að tryggja í sæti.

B6) **Scottish Leader**** M7, 30-40M (4 BOLTA)

1998-1999: Styrmir Steingríms, Jökull B, Guðmundur T
Boltuð yfirhangandi mixklifurleið. Hliðrar til vinstri undir og fram hjá stóru þaki - alvöru stykki fyrir harðhausana! Fyrsta boltaða leiðin í Múlafjalli. Leiðin er nefnd eftir veigunum sem þeir félagarnir drukku á meðan þeir klifruðu. NB Efri parturinn er torklifinn ef hann er íslaus og gæti þurft að notast við hefð- bundnar tryggingar ofan boltanna.

B7) **Sótanauttur** WI3+, 45M

01/16: Arnar Halldórsson, Magnús Blöndal
Snjóolina sem liggur upp undir leiðina en það þarf að bröta smá í lokin til að komast að henni. Leiðin byrjar á nokkuð stífu klifri (um 15m) en svo tekur við brött ísbrekka til vinstri að lokakafl- anum sem er brattur og skemmtilegur. Hægt er að nota stakan stein uppi á brún til að tryggja í en mælt er með að nota einhverja aðra tryggingu að auki. Leiðin er nefnd eftir hring einum sem lýst er í Harðar sögu og talinn er vera falinn niðri við Kötlugróf sem stendur beint neðan við þetta svæði.

B8) **Guy** WI5

-1996: Guy Lacalle, Páll Sveinsson
Kertið upp úr Drjúpanda. Klifrað af Palla Sveins og einum frægasta ísklifrara heims á sínum tíma, Guy Lacalle.

B9) **Drjúpandi** WI3, 50M

01/16: Arnar Halldórsson, Magnús Blöndal
Drjúpandi hefst með 10 m ísfossi uppi í snjóbrekku sem liggur upp að megin hlutanum. Klifrað er alla leið upp undir kletta- vegginn þar sem oftast hanga ofan hans myndarlegar regnhlífar og stór grýlukerti. Fráber leið fyrir byrjendur þar sem hægt er að gera leiðina léttari með því að hliðra til vinstri. NB síga þarf á ísþræðingu niður úr þessari leið.

B10) **Járntjaldið**** WI4, 65M

Byrjar í bröttu 10m íshafti. Eftir það tekur við snjóbrekka upp að erfiðasta kaflanum. Möguleiki er að komast upp á lítinn stall til að hvíla sig áður en klárað er upp á snjósyllu til að gera stans. Þaðan liggur svo leiðin til vinstri upp á brún. Leiðina má stytta í eina spönn með því að þrila vinstra megin fram hjá neðsta haft- inu. Uppi á toppi er ekkert til að tryggja í nema snjór og/eda mosi. Ýmis afbrigði möguleg.

B11) **Ljótur piltur** WI3+

Mjó renna hægra megin við Járntjaldið.

B12) **Lygavendi** WI3+

Stóri fossinn hægra megin við Ljótan pilt.

B13) **Thor is Back** M4, M6+, 2 SPANNIR

11/15: Matteo Meucci, Þorsteinn Cameron
Boltuð leið í góðu bergi (tilvalin kringum frostmark). Tvær stuttar spannir, með boltuðu akkeri á góðri syllu í miðri leið. Leiðin er vel boltuð en hægt er að tryggja aukalega milli bolta með nokkrum vinum í minni kantinum.

B14) **Pursabit**

WI2-3, 1 SPÖNN

Gilið vinstra megin við Fimm í fötu. WI2-3, mjög miserfið eftir því hversu mikill ís er í henni.

B15) **Fimm í fötu***

M5+, 35M

Páll Sveinsson, Guðmundur H C
Hægra megin í öðru gili vinstra megin við Íste. Greinilegur strompur í efri partinum. Þétt boltað og þrír boltar í akkerinu - tveir á stalli og einn ofar til að auðvelda brólt niður eftir klifur í ofanvaði. NB Þessi leið var frumfarin á miðöldum án aðstodar borvélar! Þó var Páll það meyr að lokinni boltun að hann hét því að blæða í „fimm í fötu“ fyrir alla sem raupunktuðu leiðina.

B16) **Chinese Hoax**

M5, M6+, 2 SPANNIR

30/11/16: Matteo Meucci og Jónas G. Sigurðsson
Fyrri spönnin eltir augljósa sprungu utan á nefinu sem skagar út, rétt hægra megin við Fimm í fötu og eru fyrstu tveir metrarnir stífastir. Eftir um 20m af klifri lendir maður á sylu þar sem þægi-legt er að gera stans. Seinni spönnin byrjar á að fara upp aðeins hægra megin við stansinn og að augljósri súlu sem lítur út fyrir að vera laus (er þó nokkuð föst fyrir). Eftir þann kafla er augljós hliðrun yfir slabb með augljóst þak aðeins fyrir ofan. Í lok hliðrunarinnar vippar maður sér í mjög víða sprungu sem er krúxið í leiðinni. Nafnið vísar í orð umdeilds en nýkjörins Bandaríkjaforseta, sem fullyrti að kenningar um loftslagsbreytingar væru svikamylla búin til af valdamiklum mönnum í Kína.

B17) **Svikinn um björ**

WI4

Fyrsta isleiðin hægra (vestan) megin við Fimm í fötu. Hægt er að klifra upp úr leiðinni til vinstri eða hægri. Leiðin fær nafn til heiðurs öllum þeim sem hafa verið og munu verða sviknir af Palla Sveins um ókomna tíð um „fimm í fötu“.

B18) **Fjúkandi*****

WI4-5, 35M

Vinsæl leið, vinstra megin í stórrí geil skammt austan við Íste. Brattur fyrri partur, oft með þunnu kerti um miðbikið.

B19) **Heiladauður**

M7

~'96: Páll Sveinsson, Guðmundur H C.
Óendurtekin leið með stífu mixklifri í byrjun. Í miðri Fjúkanda geilinni.

B20) **Rjúkandi*****

WI3, 70M

Gríðarlega flott leið! Hafrið í neðri partinum getur verið smúð eflítið er um ís.

B21) **Hoka Hey**

M6, 30M

24/10/98: Jökull B, Guðmundur T, Styrmir Steingrims
Nafn leiðarinnar útleggst víst á íslensku sem: „góður dagur til að deyja“, hvort sem það er nú þannig eða ekki. Handan við hornið hjá Íste er áberandi þak og um 15m lengra í austur sést greinileg ljós gróp í berginu sem nýlega hefur hrundi úr. Þar er leiðin. Hún er augljós og fylgir sprungu fyrstu 20m, inn í smá holu í lausu bergi og svo beint upp í smá ís. Hún endar í litlu þaki með góðum tókum og svo upp á brún.

B22) **Helgarpabbi**

M5, 20-30M

07/02/99: Páll Sveinsson, Helgi Borg
Í áberandi íslausri sprungu austan við Íste. Leiðin endar í ís.



C) Testofan



C1) **Expresso** M6 (10-11 BOLTAR)

2015: Sigurður Tómas, Baldur Þ Davíðss.
Nokkrum metrum fyrir austan Íste. Brött og vandasöm byrjun en hallinn minnkar svo fljótlega. Slabb fyrir miðju og endar í vandasömu lokahaftri. Boltuð alla leið upp í tveggja bolta akkeri og ætti að vera hægt að fara í fyrstu frostum. Einn bolti á klöpp ofan við toppakkerið. Ártalið vísar í boltun en eflaust hafði leiðin verið klifin fyrr.

C2) **Apagredda** M5, 40M

02/97: Guðmundur Tómasson, Páll Sveinsson
Leiðin liggur vinstra megin við hrygginn hjá Íste. Byrjar í gróf (klettum) hægra megin og undir iskertinu, hliðrar síðan upp og til vinstri utan á áberandi nefi í bergi, þangað til hægt er að ná upp í kertið. Þaðan á lóðréttum ís upp á brún.

C3) **Íste** *** WI5/5+, 30M (3 BOLTAR)

Guðmundur Helgi C, Páll Sveinsson
Megaklassik. Kertið vex ekki alltaf niður og er miserfitt. Eru nú þrír boltar í byrjunarslúttinu og opnar það á sæmilega öruggt brölt upp í ísinn, þó kertið nái ekki niður eða taki ekki skrifur með góðu móti. Eftir sem áður er leiðin alvarleg, því efri hlutinn er líka snúinn. Toppakkeri er efst í leiðinni og einnig stakur bolti á klöpp nokkrum metrum ofar (ofan við Pabbaleiðina).

C4) **Earl Grey** M7, 30M

Guðmundur Helgi C, Jeff Lowe
Mixað (óboltað) afbrigði af Íste. GHC leiddi og hinn heimsfrægi Jeff Lowe fylgdi í kjölfarið. Leiðin var á sínum tíma erfðasta mixklifurleið landsins.

C5) **Pabbaleiðin** ** M6+, 30M (14 BOLTAR)

Páll Sveinsson, Þorvaldur Þórsson
Í horninu hægra megin við Íste. Boltuð alla leið með akkeri á slabbi ofan við leið (smá brölt niður að því - varúð!). Vinnubolti á klöpp ofan leiðar. Leiðin var upphaflega farin með hefðbundnum tryggingum fyrstu hreyfingarnar upp í ísinn.

C6) **Mömmuleiðin** *** M6, 30M (11 BOLTAR)

Boltuð að hálfu leyti fyrir misskilning þegar til stóð að bolta Pabbaleiðina. Í næsta horni hægra megin við Pabbaleiðina. Boltuð alla leið með akkeri á klöpp ofan við lítinn mosastall ofan leiðar. Hægt að labba eftir stalli (varúð!) að akkeri að ofan. Snúinn en hressandi þegar lítið er af ís. Breytist í fyrirtaks WI4 ísleið þegar líður á veturinn.

Vinsælasta svæðið í Múlafalli og er kennt við krúnudjásnið Íste. Hér er sæmilega flatt undir leiðunum, stutt milli þeirra og margar góðar af öllum erfiðleikastigum. Hér eru flestar boltuðu leiðirnar og því er þetta sérlega vinsæll viðkomustaður í upphafi tímabils.

Besta gönguleiðin niður er til vesturs (hægri) hjá Gísla/Eiríki/Helga en einnig eru nokkur boltuð akkeri sem hægt er að síga á. Leiðir sem mælt er með: **Íste, Mömmuleiðin, Pabbaleiðin, Gíslí, Eiríkur og Helgi.**

C7) **Múlakaffi** M7+

2015: Röbert Halldórsson
Þurrstólunarleið á stuðlinum milli Mömmunnar og Keisarans. Stífbrött byrjun og snúinn veggur í lokin.

C8) **Keisarinn** M4+/WI3-4

2015: Röbert Halldórsson
Bumban milli Múlakaffis og Fyrirburans. Boltuð að einhverju leiti. Eins og gildir um margar aðrar leiðir á svæðinu þá bunkast ís yfir leiðina og þá verður hún meira WI3-4.

C9) **Fyrirburinn** M4+/WI3-4

Næsta meginlína hægra megin við Mömmuna í augljósri kverk. Akkeri í skriðu ofan við leið. Auðvelt brölt niður að því en sést illa að ofan.

C10) **Frumburðurinn** M4+/WI3-4

C11) **Örverpið** M4+/WI3-4

C12) **Bestur vetur** M4+, 20M

04/17: Matteo Meucci, Halldór Fannar
Byrjar í skoru sem leiðir upp í snúð slabb. Auðveldari lokakaffi.

C13) **Gíslí** ** WI3+

Efst í stóra gilinu, hægra megin við Íste og co. Þrjár ca. 10m þrýðislinur á stalli rétt ofan við girðinguna. Gíslí er leiðin lengst til vinstri af þessum þremur, liggur undir smá þaki og svo yfir. Boltaður fyrri partur sem fer fljótt á kaf. Snúinn millikafti ef mixklifrað. Boltað akkeri nokkrum metrum ofan Eiríks.

C14) **Eiríkur** ** WI3+

Stutt en brött. Akkerið er hér fyrir ofan.

C15) **Helgi** ** WI3+

Boltaður fyrri partur sem fer fljótt á kaf.



D) Leikfangaland

Úr ársriti ÍSALP 1997: „Leikfangaland“ ísklifurmannna varð til í vetur og er það norðan í Múlafalli við leiðina Frosta. Þegar ís er lítil myndast oft skemmtilegar aðstæður fyrir „mixað“ klifur (klifur blandað ís og bergi) sem þykir „inn“ í dag.

Ber nafn með rentu, því hér er mikið af fyrirtaks leiðum við allra hæfi. Besta gönguleiðin niður er til austurs (vinstri) hjá Testofunni. Leiðir sem mælt er með: *Stigandi, Rísandi, Frosti, Funi, Botnlanginn og Fengitíminn*.

D1) **Rísandi (eystri) **** WI4, 100M
14/12/86: Jón Geirsson og Snævarr Guðmundsson
Er nokkuð léttari en sá vestari.

D2) **Rísandi (vestari) ***** WI4+, 100M
21/04/83: Jón Geirsson og Snævarr Guðmundsson
Fyrsti stóri ísfossinn sem klifinn var í Múlafalli. Eftir fyrsta haftið greinist ísfossinn í tvær rásir. Leiðin liggur upp hægri greinina sem er öllu erfiðari en sú vinstri (eystri).

D3) **Stigandi ***** WI4+, 100M
Jón Geirsson, Kristinn Rúnarsson og Snævarr Guðmundsson
Megaklassik. Hin „stóra leiðin“ í Múlafalli (ásamt Rísanda). Nokkur mislöng höft í fyrri partinum. Afgerandi erfitt haft (10-15m) ofan við stóran stall eftir miðja leið.

D4) **Fengitíminn **** WI4+/5, 2 SPANNIR
Byrjar í bröttu kerti og þáðan upp á stóra syllu. Tæknilegur ís í framhaldi af því.

D5) **Funi **** WI4
Hægt að fara a.m.k. tvö afbrigði. Léttara afbrigðið fylgir ísrampi fyrir miðju og til hægri.

D6) **Frosti **** WI5, 30M
14/12/86: Jón Geirsson og Snævarr Guðmundsson
Breitt og bratt ísþil.

D7) **Dótadagur**
Ofanvaðsleið í þurrtólun, sem stendur til að bolta þegar þessi orð eru rituð.

D8) **Dvali** WI2-3
Stutt leið upp rennu. Fyllist sennilega af snjó þegar líður á vetur og verður léttari. Hægt er að ganga niður gilið hægra megin við þessa leið.

D9) **Fear is go** M6, 30M
Matteo Meucci, Bjartur Týr Ólafsson
Flott horn í byrjun með lykilhreyfingu um miðja leið upp. Lokakafli á lóðréttum vegg með þunnri sprungu. Tryggð með hefðbundnum tryggingum. Þessi leið var sú nitugasta sem Matteo fór á hundrað leiða klifurárinu sínu.

D10) **Kids in the Playground** M4, 30M
Matteo Meucci, Bjartur Týr Ólafsson
Auðvelt horn með syllu í miðri leið. Tryggð með hefðbundnum tryggingum.

D11) **Gallblaðran** WI3
Auðvelt gil, fyllist líklega í snjóþyngslum.

D12) **Botnlanginn *** WI3-4
Jón Geirsson og Snævarr Guðmundsson
Er efst í Leikfangalandi lengst til hægri.

D13) **Engar skráfur** WI4+ R, 25M
08/03/17: Matteo Meucci, Jónas G. Sigurðsson
Var frumfarin í afar þunnum aðstæðum og það fór ekki ein einasta ísskrúfa í hana. Erfitt að tryggja á ágætis kafla rétt eftir byrjun og að miðju en annars má tryggja í dóti. Leiðin er sennilega WI4 efis hleðst utan á hana en var nær WI4+ í frumferðinni.

E) Votaberg



Svæðið vestan við Leikfangaland. Hér má finna mislangar leiðir af ýmsum erfiðleikastigum en engar skráðar leiðir eru á þessu svæði.





ÍSLENSKIR
FJALLALEIÐSÖGUMENN

ÖRUGGLEGA Á FJÖLLUM

SÍÐAN 1994

NÁMSKEIÐ • FJALLAMENNSKA
LEIÐANGRAR • ÍSKLIFUR • UTANLANDSFERÐIR

FJALLALEIDSOGUMENN.IS - FJALLALEIDSOGUMENN@FJALLALEIDSOGUMENN.IS - SÍMI: 587 9999

F) Svartisteinn



Þurr klettur rétt ofan við bílastæðið. Aðeins örstutt labb frá bílnum. Hér eru þrír ísfossar í léttari kantinum og fjórar íslausar leiðir sem bjóða upp á prýðilegt æfingasvæði fyrir þurrtólun. Finustu leiðir til að skjótask í á stuttum degi, t.d í byrjun vetrar.

F1) Hávamál	WI2/3	F5) Þorskur á þurru landi	M6
		Boltuð þurrtólunarleið.	
F2) Sjávarmál	WI2/3	F6) Ísaðar gellur	M6
		Boltuð þurrtólunarleið.	
F3) The Seventh Life of Cats	M4, 20m	F7) Messaguttinn	
05/17: Matteo Meucci og Marco Porta		Boltað toppakkeri ofan við þrönga krefjandi sprungu í lítilli kverk sem eitthvað hefur verið klifruð í ofanvaði. Leiðin byrjar í yfirhangandi klauf. Þessa línu má bolta og rauðpunkta efvilji er til að munda rokinn. Erfiðleiki kringum M6-7.	
F4) Mávamál	WI3+		